

昨日港姐冠軍莊子璇首次以古裝扮相出席活動，獲讚打扮漂亮的她笑言很喜歡看古裝劇，希望有機會一嘗演「古代人」的滋味。同場的黃靖靈（波波）透露將自己的時間表塞滿，趁空餘時間報讀主持訓練班及拍短片，希望增值自己，機會來到便可以好好把握。

# 莊子璇 古裝初體驗 乘機搵劇拍

波波塞滿時間表  
自我增值

莊子璇、波波與姜依寧等昨日現身2024年香港花卉展覽「雀躍全城」攝影比賽宣傳活動，首次作古裝扮相的莊子璇表示是仿照胡定欣在劇集《公公出宮》造型，有新嘗試感到很開心。問到覺不覺自己漂亮？她笑言見仁見智，自己就有點不習慣，因很少把所有頭髮都束起：「不過我好鍾意睇古裝劇，所以希望有機會拍古裝劇。」身旁的波波即讚莊子璇扮相漂亮，並自稱是簡約中式服造型。

曾拍古裝劇的波波表示：「話唔辛

苦就係假嘅，不過過程好值得，因為大家一齊參與，有團隊精神，令人唔會想放棄。」她乘機幫無綫節目賣廣告：「好高興做麥美恩主持嘅新綜藝節目《Mayanne 小喇叭》嘉賓，今晚首播，希望大家多多支持。」她又稱現時很忙碌，除了勤於做健身和普拉提外，還修讀主持訓練班及拍短片，她希望趁不用工作的時間好好裝備自己，力求上進，機會來到才能好好把握。

## 不便談Day緋聞

提到莊子璇的中學同學Day（許軼）所屬的女團COLLAR即將開騷，莊子璇表示屆時若有空會捧場。對於Day被爆曾跟Nathan（魏念恩）拍拖，莊子璇稱有看相關報道，但別人的事不便多談。問到有否追求者？仍是大學生的她自言學業已忙得不可開交：「邊有時間拍拖？」說到今年5月畢業和港姐卸任差不多時間，可以有空閒，她說：「咁就可以全心投入工作。」



波波(右)讚莊子璇扮相漂亮。



一眾女星以不同國家的古裝扮相示人。

## 雲浩影減肥後 重遊舊地

雲浩影（Cloud）最近為麵包品牌拍攝全新廣告及唱主題曲，穿上背心裙與女演員Jackie在清水灣郊野公園野餐，又跟隨音樂擺動身軀，津津有味吃麵包。Cloud出道首個MV《願望之翼》同樣於該處拍攝，一年後重遊舊地，她笑言外形上改變了不少：「拍《願望之翼》時我好肥，睇完個MV後就開始減肥。今次係減肥後重返郊野公園，同大自然好夾。」至於心態上的轉變，Cloud坦言學懂工作時保持淡定及做好分內事，並感激公司同事愛錫。



雲浩影重遊舊地拍廣告。

## 許冠傑寫歌向黃霑致敬

歌神許冠傑（Sam）將於3月30日起在紅館舉行一連三場演唱會，之前他透露會向黃霑致敬，故特別灌錄新歌《紫信箋》，他說：「對我嚟講霑叔絕對稱得上係亦師亦友，呢首由我親自填詞、詞意受霑叔啟發嘅《紫信箋》終於面世！我特別請嚟靚聲女歌手黃妍朗讀徐志摩嘅《再別康橋》同《偶然》嘅經典詩句。」他同時邀請黃妍和霑叔女兒黃宇詩在不同場次分別唱《紫信箋》，黃宇詩笑言：「我完全同樂壇冇關係，但今次可以搵車邊同黃妍一齊參與，仲可以同Sam哥呢個Legend合作，我覺得好開心。」



黃宇詩(左)與黃妍將擔任許冠傑的個唱嘉賓。

韓國人氣男團SHINee成員珉豪、泰星Dew Jirawat與蔡卓妍（阿Sa）昨日出席法國珠寶品牌專門店開幕，珉豪和Dew大受歡迎，甫現身即引來歡呼聲，兩人亦很親民，不時向粉絲揮手及派心。Dew受訪時表示希望不久將來再次來港，因從小都喜歡來港旅行。問到會否想來港拍戲？他直言想拍港產片，但礙於語言問題：「其實我爸爸識少少廣東話，相信要認真去學唔會太難。」

阿Sa原定本月與劉青雲合演由韋家輝執導的新片，但因劇本改動延至5月才開工，她笑言立即留意半價機票優惠，想趁機去歐洲一趟：「真係平好多，有時應使則使、應慳則慳。不過買咗半價機票，要改就加2,000蚊，所以仲要考慮清楚。」



阿Sa讚珉豪(右)與Dew靚仔又親切。

珉豪 Dew 親民襲港  
阿Sa 想買半價機票歐遊